

第三名

林宇軒

歹物仔

得獎感言

台語一直予我感覺足gāi-giōh。阮阿公平常時佢tshin-tsiānn咧講電話攏是用客家話，佢阿媽講話的時是用台語。佢阮gín-á人，毋知為啥物就變做用華語矣。這是我頭一擺寫全台語文的文學作品著獎，感謝教育部用「台語」號名的文學獎，感謝石牧民老師、呂美親老師、鄭順聰老師，閣有台語文寫作會的作家朋友陳這。希望未來我的台語會當講閣較輾轉，毋但是用台語文來寫作，閣愛用台語文來生活，來愛這塊土地，愛這個國家。



歹物仔

一定有歹物仔覷佇咧冷氣內底
無，這咻咻叫的聲欲按怎解說？
教室這片予人園桶仔一个，彼片
閣有一个。洩水的原因一直揣無
老師共問題寫佇烏枋頂：哪會按呢

跔補習班感覺規个人足忝足忝
我看提轉來的考卷予人拍叉閣拍叉
這寡無好耍的數字嘛是愛加減
算一下，日子三除四扣賭無佹濟矣
畫佇紙面的紅線攏疼佇身體

眠床頂麗咧，所有的壓力
就會當全部放袂記……無彩伊變鬼
變怪，我明明佇厝裡好好仔歇睏
哪會醒過來就徙位，發現家己
猶佇大樓內的教室咧盹龜？

冷氣的風真透。看隔壁同學
面臭臭，我細聲共問：「你敢知影
歹物仔咧佢咱覷相揣？」無人咧
聽我講話，攏繼續向頭處理
這寡數字的問題，繼續開喙



綴老師唸：衫褲褲衫褲褲衫衫¹
是穿咧抑是褪咧？看甲霧嘎嘎的
三角窗仔，外口有毛毛仔雨
對天頂滴落來，共大樓洗予清氣
規个城市就按呢閃閃仔爍

日子嘛按呢一工一工咧走
後壁看去是火車頭，臺北市的暗暝
頭前是愈來愈少的數字
佢愈來愈濟的洩水。毋知桶仔底
敢有飼金魚？雄雄想起

一定有歹物仔覷佇冷氣內底
我的頭殼才會定定咧釣魚
為著考試，開予補習班幾若萬的錢
嘛無法度共烏枋頂的智識攏偷來
時間就涌涌滴，按呢予伊暗去



註解：

1.三角函數的和角公式是 $\sin(\alpha + \beta) = \sin \alpha \cos \beta + \cos \alpha \sin \beta$ 、差角公式是 $\cos(\alpha - \beta) = \cos \alpha \cos \beta + \sin \alpha \sin \beta$ 。口訣 $\sin \cos \cos \sin$ 、 $\cos \cos \sin \sin$ 唸起來親像「衫褲褲衫褲褲衫衫」，是足濟高中學生的惡夢。

